

东坡全集

第二函
十一册

東坡集卷之四十二

貼子詞樂語

眉山蘇軾東坡氏著

春貼子詞

元祐三年

皇帝閣六首

藹藹龍旂色琅琅木鐸音數行寬大詔四海發生心

賜谷賓初日清臺告協風願如風有信長與日俱中

草木漸知春萌芽處處新從今八千歲合抱是靈椿

聖主憂民未解顏天教瑞雪報豐年蒼龍挂闕農祥正

一作慶

老穉

相呼看藉田

昨夜東風入律新
玉關知有受降人
聖恩與解河湟凍
得其中
草木春

翰林職在明光裏
行樂詩成拜舞中
不待驚開小桃李
始知天子是天公

太皇太后閣六首

琬刻春何力
欣榮物自知
發生雖有象
覆載本無私

小殿黃金榜
朱簾白玉鈎
一聲雙日蹕
春色滿皇州

仗下春朝散
宮中晝漏稀
兩廂休侍御
應下讀書帷

五日占雲十日風
憂懃終歲爲三農
春來有喜何人見
好學神孫

類祖宗

其道十年無臘雪
且欣三白歷春田
盡驅南畝扶犁手
稍發中都朽貫錢

不獨清心能省事
應緣克已自消兵
傳聞塞外千君長
欲趁新年賀太平

皇太后閣六首

寶冊瓊瑤重新庭
松桂香雪消春未
動碧瓦麗朝陽

瑞日明天伏仙雲
擁壽山倚欄春晝
永金母在人間

朝罷金鋪掩人閑
寶瑟塵欲知慈儉
德書史樂青春

東坡全集卷四
仙家日月本長閒送臘迎春豈亦偶

一作然

翠管銀罌傳故事金花

綵勝作新年

彤史年來不絕書三朝德化婦承姑
宮中侍女減珠翠雪裏貧民得袴襦

邊庭無事羽書稀閑遣詞臣進小詩
共助至尊歌喜事今年春日得春衣

皇太妃閣五首

葦桃猶在戶椒栢已稱觴歲美風先應
朝回日漸長甲觀開千柱飛樓擢九層
雪殘烏鵲喜翔舞下觚稜

孝心日奉東朝養
德應師大練

一作大姒

風太史新年瞻瑞氣四星

明潤紫宮中

九門掛月未催班
清禁風和玉漏閑
崇慶早朝銀燭下
珮環聲在五雲間

東風弱柳萬絲垂
的皪殘梅尚一枝
璽館乍欣蠶浴後
禡壇猶記燕來時

夫人問四首

綵勝縷新語
酥漿滴小詩
昇平多樂事
應許外庭知

細雨曉風柔
春深入御溝
已漂新荇沒
猶帶斷水流

扶桑初日映簾昇已覺銅鉗暖不冰七種共挑人日菜千枝先剪
上元燈

雪消鴛瓦已流澌風暖犀盤尚鎮帷縹緲紫簫明月下壁門桂影
夜參差

端午貼子詞 元祐三年

皇帝閣六首

盛德初融後潛陰未妬時侍臣占易象明兩作重離

採秀擷羣芳爭儲百藥良太醫初薦艾庶草驗蕃昌

微涼生殿閣習習滿皇都試問吾民愠南風爲解無

西檻新來玉宇風侍臣茗盃得雍容庭槐似識天顏喜舞破清陰
作兩龍

講餘交翟轉回廊始覺深宮夏日長楊子江心空百鍊只將無逸
鑑興亡

一扇清風灑面寒應緣飛白在水純坐知四海蒙膏澤沐浴君王德似蘭

太皇太后閣六首

漸臺通翠浪暑殿轉清風簾捲東朝散金烏未遽中
日永蠶收簇風高麥上場朝來藉田令菰黍獻時芳
舞羽諸羌伏銷兵萬彙蘇只應黃紙詔便是赤靈符

令節陳詩歲歲新從官何以壽吾君願儲醫國三年艾不作沉湘九辨文

忠臣諒節今千歲孝女孤風滿四方不復巫陽占郢夢空餘仲御

扣河章

長養恩深動植均只憂貪吏尚殘民外廷已拜梟羹賜應助吾君
去不仁

皇太后閣六首

露簾琴書冷瑀槃饗餌新深宮猶畏日應念暑耘人

萬壽菖蒲酒千金琥珀盃年年行樂處新月掛池臺

翠筒初罌棟薌黍復纏菰水殿開冰鑑瓊漿凍玉壺

秘殿扶踈夏木深雨餘初有一蟬吟應將羸女乘鸞扇更助南風
長棘心

上林珍木暗池臺蜀產吳包萬里來不獨槃中見盧橘時於櫬裏
得楊梅

閔楚遺風萬古情湘沅舊俗到金明翠輿黃繖何時幸盡鷁飛鳧
盡日橫

皇太妃閣五首

午景簾櫳靜薰風草木酣誰知恭儉德綵縷出親蠶
雨細方梅夏風高已麥秋應憐百花盡綠葉暗紅榴

辟兵已佩靈符小續命仍榮綵縷長不爲祈禳得天助要隨風俗
樂時康

玉盆沉李灑清泉金鴨噓空裊細煙自有梧楸鄣畏日仍欣麥黍
報豐年

良辰樂事古難同繡璽朱絲奉兩宮仁孝自應禳百沴艾人桃印
本無功

夫人閣四首

肅肅槐庭午沉沉玉漏稀皇恩樂佳節闔草得珠璣

節物荆吳舊嬉游禁掖閑仙風隨畫簃拜賜落人間

五綵縈筒秫稻香千門結艾髯髯張旋開寶典尋風物要及靈辰

共袞襪

易學集名四二
欲曉銅餅下井欄
鏗鎗金殿發清寒
似聞人世南風熱
日上墻東

間幾竿

內中御侍以下賀冬至詞語

元祐二年十月二十日

皇帝

伏以月臨天統首冠於三正氣應黃宮復來於七日君道寢長陽
德光亨泰惟皇帝陛下清明在躬仁孝遍物垂衣南面天何言而
四時成問學西清日將旦而群陰伏裔夷奔走年穀順成豈惟四
海之歡心自識三靈之陰贊如川方至受命無疆妾等待罪掖庭
備員婦職共慶一陽之節敢陳萬歲之觴

太皇太后

伏以消長有時候微陽之來復賢愚同慶知君子之彙征德化所

東坡集卷四
加神人並應恭惟太皇太后陛下睿明天縱慈儉身先振河嶽以
不傾地無私載順陰陽而自化天且不違成功已陋於漢唐論德
蓋高於任姒大有上吉方獲助於三靈旣醉太平當純備於五福
妾等職叅長御心奉慈闈慶陽德之方來願天壽之平格

皇太后

伏以矇瞍奏功驗人和於緹室日宮占物效歲美於黃雲慶自宮
庭澤均海宇恭惟皇太后殿下輔佐內治儀刑王家推美國風夙
茂周南之化考祥義易共成坤厚之功方迎日於三微敢稱觴於
萬壽豈獨宮闈之願實同中外之驩妾等猥以微軀被蒙慈渥仰

獻岡陵之祝庶殫草木之誠

東坡集卷四